

黟縣四志卷六

人物志

人物補傳

余莊字文敬城西人少聰穎五歲時每日必赴兄塾竊聽其師講解經義人初以兒嬉視之不之異後師以所授經義試問其兄莊從旁對答如流師大奇之令與其兄同受業焉讀書過目成誦十歲五經畢後專治春秋成化戊子科遂以春秋中式旋任江西廣信府同知秉性介直不阿故十年不調其爲治壹以勤政愛民戢奸禁暴爲務蚩蚩之氓咸懷其德歿後崇祀廣信府名宦祠迄今子孫稱蕃

黟縣四志

卷六

人物補傳

一

衍云湯球題有像贊載文錄

盧培字篤其一字竹淇號竹溪盧村人見前志科第性倜儻讀書目數行下髫齡初應童試列前茅揚揚自得母痛責之由是斂才就範文日益進盧抱經先生掌教鍾山書院見之決其必售乾隆庚辰科果登鄉薦三上春官不第揀發河南歷署葉縣及西平衛輝項城等縣補授靈寶縣署河南府通判所在多政聲廉公有威無敢干以私者丁酉充河南鄉試同考官所取皆知名士嘉慶己卯詳准重宴鹿鳴未及赴而卒年八十四歲生平工詩古文辭著有竹溪雜組詩草等稿兵燹遺失其曾孫以松後訪得竹溪

雜組剩稿付梓

盧又紳字飛泉盧村人見前志科第三通館謄錄議敘選河南盧氏縣知縣與姪培同宦陝州時相過從時人謂爲竹林競秀又調柘城武陟淮寧等縣賢聲卓著擢刑部主事順天府治中陞福建建寧府同知福州府同知署建寧府事調任浙江嘉興府乍浦同知工書尤善行草當時與梁巘齊名書不易求獲之者珍如拱璧

余之煥字錦亭城西人幼聰穎勤學游庠後捐職驛丞分發廣東以勤能著遞陞至澄海縣知縣潔已愛民調潮州府通判署理猺南澳同知開誠布公猺民嚮化歷遷連州黔縣四志

欽州儋州知州所至有聲在儋任內平反冤獄多起有麥秀兩歧之瑞總督孫士毅奏陞廉州府知府調署高州府事并贈以麥秀儋陽匾額澄海儋州俱爲立德政碑

右宦業補

卷六

人物宦業補

二

人物補傳

江大璋字廷遠五都石屏江村人從九品同治癸亥殉難
汪令愔官路人素懷忠勇咸豐庚申遭洪楊擾亂令愔協
辦鄉團禦寇殉難由都堂張彙奏恤予雲騎尉世職

程五壽瑶山人咸豐八年戊午殉難

金正熹鍾山人同治元年壬戌殉難

金華稠字受之鍾山人同治二年癸亥殉難

程尙武月塘人同治二年殉難

程連宗及子尙鏞月塘人同治二年癸亥父子同殉難

胡灶託南屏下村人同治二年癸亥殉難

黟縣四志

卷六

人物 忠節補

三

吳煥文字階臣郡庠生橫岡人家故豐遭兵燹中落遂以
訓蒙贍家爲人溫厚端重不苟言笑遇橫逆從不與校門
人化之雖小學生游其門者無不徇徇有長者氣象同治
元年邑境被兵挈家遷避於鄰邑休甯卒遇紅巾劫以去
強操筆政不屈遂遇害同被擄者逃出言之鑿鑿也當被
害時遺孤三人皆幼穉旣而皆以商業起家今孫曾十餘
或商或士均有名於時古稱忠義之後必有昌大門閭者
信不誣也

右忠節補

人物補傳

余應煥字聖章城西人六歲父歿於景德鎮煥聞耗呼天而泣其母哀毀絕食煥跪請進膳學商於浙聞母病馳歸侍湯藥衣不解帶母歿哭泣之哀見者動容

余學德字敬修城西人邑庠生事親長盡孝盡誠母嬰痼疾三年餘侍奉扶持無稍懈怠有從堂姪食指繁多養贍無計慨讓以應得之祖產族中祀會毅力維持里有爭議平情和解不徇富者之請亦不阿私人之好書學蘭亭時人頗美之

右孝友補

黟縣四志

卷六

人物 孝友補

四

人物補傳

姚雙字九如城外雙溪南人宅心忠厚重義疏財克敦孝友碩望表著鄉閭明弘治二年奉布政使司右叅政劉給劉旌以壽官

右質行補

人物補傳

許永崇高村人壽至百歲乾隆五十七年恩賜絹粟匾額
賞給建坊銀兩前知縣贈跋語云四都高村許氏自宋遷
黟山脈雄厚祠前古槐參天人民純樸風俗敦龐宜其獲
上壽享遐齡云

右人瑞補

人物補傳

王國泰小塢人好讀書不慕仕進質直尚義鄉里有乏輒助之獨力建懷德堂祖祠臨終囑以巨貲捐修邑明倫堂子孫遵行之名載碑記

舒德兆字謙吉屏山人州同職銜幼商廣東後歸里經管祀會勇於爲善先是祀產傾敗德兆力任其難數年秘其帳不使人知迨宣佈時祀產增至數倍衆遂大服其重建城東門永吉橋一事尤著橋係族祖志道獨建遭水冲圯德兆獨力修復甫竣工蛟發又壞又建之卒底於成知縣黃家甲記其事並勒碑焉

人物補傳

戴榮基字子初號梅泉際村人以監生試鄉闈不中卽棄帖括讀書於村南雲梯書屋肆力經史及古文辭與碧山汪文臺雷岡汪方鍾以學相友善耽吟咏尤喜爲香奩體旁通歧黃堪輿之學工書善飲詩嘗見賞於當塗黃勤敏鉞稱爲無一字無來歷又與蕪湖龍子方張杏村含山倪燮績溪汪榛諸名士結詩社極一時倡和之盛僑濡須時其俗貧家生女輒溺不舉榮基爲文告戒令女生報名簿錄歲給粟兩石以二年爲限由是溺女之俗遂革道光季年大水江隄屢潰居民苦饑罄家貲市米設局用通力合

黟縣四志

卷六

人物 文苑補

八

作法令饑民領米趨工隄易成而人得食全活甚衆著有梅泉詩存花巢詩草吟香小草地理求安錄葬書註釋靈城精義註釋醫法彙要等書

舒顯宗字伉門號敬齋屏山人歲貢生候選訓導性純厚敦崇品行僑居北城外蔴田在城以課徒爲業數十年無異門弟子掇芹以去者不乏人一生勤苦選授某縣訓導時已先數年卒矣

右文苑補

人物補傳

李廷梁一名文蔚字冠宸案台山人邑庠生捐職把總初
經商繼業儒由佾生入鬻序晚年復理商業家漸裕捐助
鉅金重建族祠通醫并精形家之學爲人有武畧乾隆間
河南道監察御史汪存寬贈額曰麟閣鳳標

右武畧補

人物補傳

盧雲乘字鶴軒號在田盧村人精醫理捐職翰林院四譯生考授全楚醫學教授著有醫學體用傷寒醫驗等書兵燹板燬其書罕覩有得者師其法以治疾輒神效人益珍爲秘本云

歐陽世啟字復玄一字近仁精岐黃承祖良壽父元儀叔元信醫學之遺江右官僚贈送匾額旌其門名噪一時晚年愈臻邃密手到春回乾隆壬戌年內閣學士兼禮部侍郎兵部右侍郎汪由敦贈額曰仁風壽世子志坦世其業卒年八十五

黟縣四志

卷六

人物 藝術補

十

右藝術補

人物補傳

查顯宗蜀里人生當元季隱居力學不求仕進爲人公平
正直仗義輕財所居村築路修橋種樹開通水道居人至
今德之洪武七年徵聘不就因賜額曰耆老逸叟

右隱逸補

黔縣四志

卷六

人物補傳 隱逸補

又十

人物志

宦業

孫雲字春山古築人性靜穆能文受知王蔭森試累冠曹道光丙午舉人教習知縣選廣東簡缺知縣有惠政遷繁缺以年老投劾歸得見子雁儀中式爲滬上廣方言館教習終姪鵬儀進士中書改就知縣選福建南屏地瘠安貧卒於官

江允康字松圃沙谿人父鏞令從學婺源王友端於屯溪旋捐監生肄業京師遂應順天鄉試就職通判選浙江南潯有政聲大計卓異加一級歷辦勸捐保陞同知過班知

黟縣四志

卷六

人物 宦業

十一

府海運保加道銜髮逆寇皖協防甯國克府城奏保簡放赴引交軍機處存記授衢州府知府署金衢嚴道修濬城濠舉辦團防力守孤城時浙省正警文報不通餉源絕乏出私貲以供軍矢志同徇婦汪亦脫簪珥佐犒身率府縣輯兵民登陴卻寇危城獲安紳民獻干城保障額浙閩督臣慶奏准加廣西安文武學額又能杜絕賁緣卷多親定總辦海塘九年全塘工竣奏加三品銜委辦徽屬鹽局子慶楷光緒辛卯舉人慶楣慶樾慶槐皆縣學生祀碧陽書院崇教祠

姚振玉字筱園溪南人性情勤慎由供事選授湖北圻水

典史歷署

縣典史調任

巡

檢積階六品銜藍翎陞用縣丞署荊州府枝江縣知縣所至有政聲 己酉枝江饑稟發倉賑倡捐集糴濟民枝江闔縣皆德之公贈有額以誌去思藩司王亦獎額曰懋著循聲云卒官無餘貲大吏飭同官集賻得歸臨送者甚衆云

江有聲字佩華號靜菴梧村人廩貢生少有志於名世之學家本富饒遭粵亂屋燬業失乃賣田以養新不給因游幕於江西日與江西諸名公游疊相唱和著有芝陽詩草旋署亳州訓導在任時州牧宗能徵聘請監修州志並爲

黟縣四志

卷六

人物 宦業

十二

序芝陽詩草刊行前饒州府知府恒裕周爲翰及蕃禺王廷鑑前黟縣知縣湯鼎烜同邑程壽保各有序稿經兵燹盡失

舒鳳翥字晉卿又字梧岡屏山人同治甲子舉人見三志科第大挑二等選授南陵縣訓導在任六年學問人品頗爲該縣士人所宗仰旋卸事歸里嗣遷青陽縣教諭而鳳翥已先期卒矣

舒之翰字西園屏山人父二品封典堯義僑廬宿松縣生故又字松生幼喜讀書負大志善畫蘭書宗爭坐位求者踵相接爲科舉文不拘繩墨試不合意豁如也咸豐初粵

寇充斥孔壠當鄂之衝忠勇公多隆阿來駐軍投筆請纓
試以文檄深相倚任歷克桐廬各府縣屢著勞績同治二
年多公移軍援陝隨營攻破倉頭等處及整屋縣得保花
翎以知縣留陝補用三年荊州將軍果勇公穆圖善西定
陝甘條陳勦匪安民十策穆公奇之由是率所部入甯夏
歷攻要隘甯夏平署甯夏府知府調署蘭州府時穆公總
督陝甘渭源狄道州尙負固檄合諸軍勦克之累功賞布
政使銜以道員留陝補用平涼秦州有土匪剛八者聚衆
萬人與鎮原匪孫百萬相結勢甚蔓延撫而平之八年署
蘭州茶馬道旋補西甯兵備道撫綏有術民以大安嗣以

黔縣四志

卷六

人物 宦業

十三

不避勞怨爲人中傷落職歸光緒二十一年吉林將軍忠
靖公長順聘赴行營幫辦全營翼長中東事起從長公扼
遼陽迨和議成乃歸隱生平寡言笑篤孝友喜抄書校寫
者等身愛藏書畫卒年七十有一

舒之翹字仰齋之翰胞弟行三邑庠生花翎二品銜道員
秉質凝厚豁達倜儻有大志同治初西北軍興橐筆走秦
隴謁果勇公穆圖善陳方畧器之時左文襄公督辦西陲
軍務招致戎幕及穆公以將軍兼督陝甘召往與兄之翰
相依襄辦營務敘功歷保花翎鹽運使銜補知府缺後以
道員卽補光緒元年籤分雲南抵滇後歷署楚雄曲靖澂

江開化臨安普洱等府補東川府知府光緒十年中法因教案失和雲南總督岑襄勤公檄辦後路糧台有功保以道員留滇旋署迤南兵備道歷任均有善政入祀各府名宦祠二十二年以父憂歸蕭然無長物借居兄屋安之若素服闋投効吉林將軍忠靖公長順任以總理文案及協理交涉各差嗣以足疾卒於家

葉森號溥泉秀里人同治二年考取實錄館供事到館供差五年全書過半保以典史不論雙單月儘先選用六年全書告成保俟選缺後以縣丞在任候補八年選授甘肅皋蘭縣典史九年到任兼充西征糧台採買等差軍務肅

黔縣四志

卷六

人物 宦業

十四

清保候補縣丞後以知縣在任候補並加同知銜歷署沙泥州判紅水東樂漳縣等縣丞陞補莊浪縣丞旋陞補永昌縣知縣署理鎮番縣知縣後交卸回省病歿省寓居官近三十年歷任七八處始終廉潔自持盡心民事歿後所任各處紳民咸備奠禮躬到省寓祭奠有不遠千里而來者子清泰甘肅縣丞充安肅道尹公署科長文鈺考取法官任甘肅高等審判廳書記官

黃銘鼎字業南號小帆黃村人咸豐己未補乙卯舉人選授甘肅寧夏知縣其時左侯相督陝甘留在行營司理文牘以勤慎飭司檄令赴任所至有聲調鎮番亦協輿情當

謁選拮据同年生中強有力者人愆懇其借潤銘鼎以其人素行不欲結緣弟銘新字伯諧邑增生就職訓導選授懷寧歷薦偉得之叶士論俸滿改就知縣當銘鼎宦游家計悉銘新支措焉

王家瑞字松坪號小丹豐口人咸豐己未舉人見三志科第揀選知縣歷任直隸永平東明雄縣獻縣長垣宣化正定等縣知縣光緒十九年永定河安瀾案内保以知府在任候補是年順直水災曾捐棉衣數千襲當事奏獎樂善好施字樣旋請開缺過知府班後卽歸田里先是家瑞回籍修墓時預築別墅曰預園極竹木園亭之勝至此乃卜

黔縣四志

卷六

人物 宦業

十五

居之寄情風月自樂其樂工書好咏著有預園詩草八卷至如修族祠造橋梁等善舉亦貲助焉子士暄別有傳李淦字麗川一都鶴山人附貢生花翎候補道員幼家貧訓徒養親光緒六年游幕福建歷充要差十五年署臺灣淡水縣知縣著有勞積保陞直州在任候補甲午之役臺歸日本調福建長樂縣知縣二十七年奉天將軍增祺調至奉屢任要差以能員著稱保至花翎道員留奉補用旋以疾歸退休後凡邑中興辦學堂社倉以及各項公益無不極力提倡云子學源附貢生浙江補用知縣前省議會

議員

孫鵬儀字南賓一字蘭濱古築人甲戌三甲進士見科第授內閣中書本衙門撰文充光緒壬午科順天鄉試收掌官旋改外就知縣階選授福建屏南縣知縣壬寅科充福建鄉試同考官調署德化縣知縣生平性情淡泊家貧力學通籍後居官清廉所至有聲官屏南時創設常平倉以備災歉後果得以無患大府多其能保加同知銜署德化縣篆適值水災洊至急籌賑撫並捐廉俸以助之民無失所厥後回南屏任因祈雨致疾卒於官手錄輿地歷史要旨積成巨帙

鄭恭字菊舫一都天官里人庚寅進士籤分兵部學習主

黔縣四志

卷六

人物 宦業

十六

事資質穎慧詩文皆風流華貴典麗不羣人皆許爲金華殿中人通籍後以家貧請由主事降就知縣分發江西歷任永甯臨川廬陵等縣知縣均有政聲在永甯任內剿除會匪一案尤著有鄙縣奸民鄧世恩等哥老會黨魁也聚衆倡亂攻撲永甯縣城勢幾危殆急募親兵四百名並會同汎兵及團勇四百名身自率之登城禦賊手發抬鎗斃頭旗賊目一名賊沮却適天大霧乘勝銳攻斃賊甚多並生擒五十餘匪悉斬之事聞大府初猶疑其書生恐有草菅後始知其無枉也歷膺卓異旋援例捐陞道員分發江蘇著有詩文遺藁藏於家子祖康祖慶先後在京師譯學

館畢業均照章賞給舉人出身

程壽保字恭甫晚號清菴城中桂林人己丑第八名舉人
詳見科第祖式金父鴻詔前志俱有傳壽保性孝友幼秉
庭訓兼得名師俞懋麟指授故學問具有根柢爲文力追
先正不屑時趨詩古文辭皆得竅要同治間平定粵匪著
有勞績合肥李文忠公保以知縣用初効力於前總統袁
公幕任以要職幕內人才稱盛多與交游旋選授山西河
曲縣知縣調任湖南瀘溪縣充癸卯湖南鄉試同考官差
竣遷零陵缺優當事以無餽遺尼之不令到任旋調酃縣
以清廉著光緒末朝廷銳行新政特任今總統徐公爲東

黔縣四志

卷六

人物 宦業

十七

三省總督便宜行事署壽保爲隨員抵奉後補授東平縣
知縣多所興革頗著政聲徐公內用卸事隨同入都民政
部任以叅議上行走民國元年解職尋襍被南歸有趙清
獻一琴一鶴之風晚隱於酒骯髒之懷往往於酒後露之
邑令吳克俊聘修黔縣四志未成而卒年七十六歲

葉新第字步瀛晚號念亭南屏人己丑翰林院庶吉士散
館後籤分戶部主事見科第以家貧就外官選授福建永
安縣知縣歷任侯官晉江沙縣陞授汀州府同知三任永
安士民愛戴有循吏聲歷官十餘年不受一無名之錢公
餘之暇輒以翰墨自娛天才橫溢依傍一空任晉江時與

程從周軍門相得甚洽幼時刻苦讀書爲文構思不凡與同邑余元達汪奎諸名孝廉相切磋入都在國子監肄業尤研究六書晚年淡於宦情僑居江西之景德鎮徜徉市隱詩酒自娛嗣見朝政曰非絕口不談時事卒於景德鎮年六十有六

金慶慈原名殿祥字熾昌號蘇城一都城東人寄居漁亭舉人見科第生而穎異博學多才初肄業浙江詁經精舍繼遊保定蓮池書院業益進精測量學受知於直隸總督李文忠公充武備學堂教習旋北走關外辦理鑛務南歸後應戊子科江南鄉試中式舉人充南京淮軍糧餉局差

黟縣四志

卷六

人物 宦業

十八

嗣以知縣分發湖北補枝江縣知縣藩司房向有陋規力爭之永除其弊江陵知縣爲本府灘派壽禮書揭其非其餘善政甚多不畏強禦治水利尤著築隄捍水名曰金公隄民永賴之光緒三十一年母憂解歸體素羸弱未週年以哀毀致疾卒著有枝江公牘行世子二長邦平日本大學畢業翰林院檢討資政院秘書長前農商總長次邦正美國紐約大學畢業曾充安徽甲種農業學校校長兼農事試驗場森林局各長嗣任北京國立農業專門學校校長現任清華學校校長

黃廷珍字伯卿自號景山黃村人入浙江商籍庠生癖嗜

金石花卉精歧黃善吟咏嘗入粵游幕著有汗漫吟草光緒十年中法之役福州穆將軍委赴江西幫辦軍裝獎以五品藍翎初以縣丞在贛試用旋授萬安軍糧廳數決疑獄並捐廉重建丞署在任七年卒官子占吉字裳文邑庠生幼聰慧事親孝隨侍父任究心於幾何代數天象理化之學納資得敘知縣加花翎同知銜分發江西補用巡撫柯逢時亟稱之宣統三年署靖安縣知縣維時土匪蠶起措施悉協機宜得士愛民積勞成疾乞休歸卒

汪奎原名國鈞字星垣號梅僊陳閭山人光緒己卯舉人見科第幼孤承母命爲其胞伯叔入繼兼祧之嗣性純孝

黟縣四志

卷六

人物 宦業

十九

事三母如一人初從其姑丈黃輝瑞習舉子業日夕劬學刻苦自勵入邑庠後挈長予馨入都肄業於國子監南學日與魁博之士相切磋業益進光緒己卯舉於鄉庚子以南學肄業成績授河南汝陽縣知縣卓著政聲吏與民咸懷其惠得旨嘉獎調濬縣未到任嗣署息縣口碑載道一如治汝陽時丁未陳情開缺奉兩老母歸養宣統己酉無疾而終子馨光緒己丑舉人學部員外郎現充平政院一等書記幼子官聲北京譯學館畢業生湖北候補道尹胡嘉銓字叔衡西川人辛卯舉人花翎同知銜以本班知縣歸部銓選旋選授江西會甯縣知縣廉潔自矢聽斷公

平公餘之暇手不釋卷仍是書生本色解職歸後不復作出山之雲卒年將七十子名珍河南候補知事兼督軍公署秘書

何宗遜字笠農三都何村人丁酉舉人候補知府見科第宗敏之弟也幼卽穎異不羣工詩文善書法體凡數變俱見聰明十九歲食餼爲歷任督學所器重貴恒尤奇賞之歲科試皆第一考取優貢朝考又第一照例以知縣用光緒丁酉中式順天鄉試舉人庚子選授山西太原縣知縣適值拳匪之亂山西巡撫毓賢庇匪仇教宗遜力爭不聽後懲辦罪魁案內卒爲牽累罷官旋投効於直隸提督太

黔縣四志

卷六

人物 宦業

二十

子少保馬忠武公墓內忠武信任極專大奏議多出其手屢著勞績力保開復原官並過班知府加花翎鹽運使銜忠武薨歸里先是在忠武幕時與今河南督軍趙倜同事稱莫逆交民國五年趙倜函招赴豫任以總參議之職信任如忠武八年疾歸卒於家

葉新藻字芷生號勿齊南屏人優增貢生少時沉潛讀書獨出冠時鄉闈屢薦不售入貲選授雲南富民縣知縣歷署嵩明州知州會澤元謀等縣均著循聲書法尤古峭著有官滇畧存

王士暄字竹圃號子松豐口人家瑞子也附貢生捐職通

判分發直隸候補充永定河防汛委員及天津縣發審等
差光緒二十二年改捐知縣指分江蘇歷任江蘇總捕同
知及長洲震澤吳縣等縣知縣保以直隸州知州陞用在
吳縣任內有督署豪幕某含憤攻訐致失大府歡遂被議
人皆寃之蓋非其罪也

程錫麒字瑞生淮渠人附貢生捐職知縣幼聰穎爲祖父
所鍾愛習舉子業頗自負然遇學問深造者則帖然下之
且樂就正故所業獲切磋之益入邑庠後思出所學以爲
世用庚子攜貲入都適遭拳匪之亂部照遺失亂平再入
都幹旋選授河南尉氏縣知縣初到任吏役以其年少易

黟縣四志

卷六

人物 宦業

二十一

之錫麒燭發其奸始惕然知警治民有恩循聲頗著旋以
父憂開缺回籍服闋到豫需次補授襄城縣已牌示矣當
道索其重金未予故尼之不令赴任悒鬱致疾卒於寓所
黃存厚字信孚黃村人幼業儒因善病兼通醫理咸同間
徽郡寇亂乃治裝外遊就職縣佐宦僑章江時年二十八
歷任上猶分防廳新喻糧廳袁州府經歷兼理分宜縣知
縣性嚴介終任不名一錢所至有廉聲上猶紳耆程顯棠
等感其德政繪琴鶴雙清圖以獻袁州太守惠公式堂益
器重之凡袁屬各邑有重案上控糾訟委查輒廉得其情
多所平反親書有爲有守匾額贈之初供差贛垣保甲適

緝妖人剪髮獲一僞造部照者同寅勸送臬憲必得優保
弗從及瓜代士民壺漿祖送皆曰好官歸可惜公餘以詩
酒自娛所交如金振聲大令譚子嶽教授皆當代名宿時
有唱和年五十二解組歸田留別詩有好風一笑收帆早
最愛林泉策短筇之句家居爲人排難解紛不恤勞怨創
建黃氏節孝祠所著有退思堂集醫理防微論黃海紀遊
待梓長子澤邑增生

何緝熙字麗和號雪舫碧山人附貢生幼從休甯楊贊徵
游長受業於同邑程鴻詔時洪楊倡亂隨程入曾文正公
幕以勞績保教官歷署南陵教諭宿州學正和州訓導所

黟縣四志

卷六

人物 宦業

二十二

至輒以興文教端士習爲已任安徽重修通志程鴻詔任
總纂緝熙入局襄助書成上游嘉其勞准予超委兩次性
孝友尚氣節重義輕財自謂一生囊無餘資性某年度歲
餘數十金忽堂兄敬之來盡舉所餘畀之邑侯陳公嘗語
人曰吾宰黟久可敬而又可畏者惟緝熙一人耳愛書畫
耽吟詠著有雪舫吟草藏於家子閏生河南候補縣知事

忠節

舒廷堅字輔三屏山人同治二年粵匪寇黟帶勇禦賊力竭陣亡由忠義局於一百二十六七兩次各省殉難人民議卹案内報部光緒十年由部奉准建坊入祀忠烈祠子學忠

舒學忠屏山人廷堅次子隨父禦賊同時陣亡同案奉准建坊與父廷堅並祀忠烈祠

李能謹字樹庭碧山人咸豐辛酉粵賊入寇黟境匪氛甚熾人多盡室而逃樹庭心存忠憤坐待不避迨賊至恃勇與之搏鬥卒因賊衆身被利刃十數創血出如注遂殉焉

黟縣四志

卷六

人物 忠節

二十三

配王氏見夫死於難痛不欲生絕粒不食月餘而卒

朱榮寵紫陽里人慷慨好施見義勇爲捐職八品咸豐五年嶺下之役與粵寇搏鬥奮勇爭先斃賊多名備嘗艱險旋以積勞歸家卒

何朝貴字治平南屏人少業儒讀書務通大義不拘拘於章句嘗讀至殺身成仁輒歛歔慷慨人以爲有古烈士風精堪輿輕財好義事有益於慈善及公義者雖勞瘁不辭同治癸亥賊犯黟擄掠絕酷貴忿甚在家廟中課徒聞賊至不避厲聲罵之卒遇害配黃氏聞夫殉難激昂赴救亦罵賊不輟並咬賊臂血濺衣襟遂殉焉國家旌表稱爲雙

烈並祀忠義祠黔縣儒學亦曾詳請給額曰義烈可欽
王德蓀三都中百戶人甘肅候補知縣從穆軍殉難年月
失考

王學書三都百戶人記名總兵光緒五年從左文襄在新
疆陣亡年四十二歲

余明麟一名佛一城西人質直有勇力咸豐甲寅粵匪撲
黔族人以其勇委護祖祠譜牒遺像祭器遷藏入山途遇
五匪行劫乃與鬪斃其四護件得無恙後回城探視遇前
逸匪呼嘯圍之又奮力拔刀斬三匪卒以衆寡不敵被斫
爲三段

黔縣四志

卷六

人物 忠節

二十四

余世守城西人同治癸亥被粵匪擄迫之跪弗聽令告居
民所在亦弗應惟厲聲數匪罪匪怒亂刃之遂遇難
胡進財不知何處人氏幼隨城西余鴻執役性近憨然忠
於所事咸豐間粵匪躡黔負襍什物逃避途遇多匪直前
詈之匪怒擬以刃聲益厲遂遇難死時猶詈不拖口烈矣

儒行

舒英字伯華城南人父曜西推舉爲禮科吏見三志英從王日光學篤守隆嘉軌獲以第一人入邑庠前邑令王蔭森獎取督課惟頻躬行實踐畢生兢兢以閩洛爲宗法與王以寬程鴻詔友門徒先後百數十人無不凜受師訓最知名爲余攀榮胡文郁兵燹游皖考敬敷書院每列前茅隨帥節至江甯派充大勝關鹽務分局謝事還里仍教授鄉閭縣令屈承福嘉其操禮延爲宣講所演說婦孺皆能感動程鴻詔卒於皖柩返迎葬哭悼實深足增友道之重拊循庶弟妹慈摯言及輒爲涕下著有茗香書屋詩文集

黟縣四志

卷六

人物 儒行

二十五

程鴻詔字伯勇號黟農桂林人式金子四歲喪母七歲喪父勤苦問學躬行實踐悉合儒先處諸父昆弟間有爲人所難爲者受經於俞正燮汪文臺受駢文法於夏照受時藝法於馮志沂俞正禧支清彥間習律章通治術星算戰陣岐黃諸學先覺歷法淆變沈潛於夏小正博集古今傳注百數十家古文遠宗經傳不入流派孝於繼母服中不茹葷比御不入因父寄籍順天入學補廩中式甲辰丙午兩科副榜己酉舉人正大光明殿覆試一等第四名銓雞澤教諭善誘得士心丁繼母憂南歸送者遠至臨清并榜正誼額於明倫堂居黟值兵燹倡鄉團乙卯夏與賊戰於

石鼓山及東山嶺下諸處訓練部伍防守各隘咸豐辛酉曾國藩奉命視師江皖禮延入幕治事隨征克復沿江城隘迨江甯復後又從北征駐軍周口臨淮濟甯捻平積階至按察使山東補用道員纂修本邑三志於兵事詳覈興復書院澤延至今李鴻章督湖廣招延入幕旋修安徽通志昕夕撰述大致脫稿辛勞卒於局次未竟厥施也所著有有恒心齋詩文集行於世

余聯成字誌堂城西人歲貢生沈默寡言笑讀書博聞強識經史中任舉一義能詳答其在某卷某頁百試不誤教子弟文行分門日一週轉如胡安定之經義治事分齋時

黟縣四志

卷六

人物 儒行

二十六

吳邑侯聘宿儒俞正燮修縣志并延成爲分校

汪浚字阮如號竹琴黃陂人咸豐己未舉人見三志科第學務實踐就教者必先勗以孝弟遠近從游者甚衆如江西浮梁則有吳其煥其恕涇縣則有查之屏查廷榮婺源則有潘兆麟或登賢書或獲選拔本縣則訓導程綬孝廉方正湯球舉人王家瑞舒濟堂弟副貢汪漳其最著也餘列黻宮者不下百餘人當粵賊竄黟協力團練擊走之論功保舉獨謙讓不與會詔舉孝廉方正闔邑屬意亦不就日手一篇至老不倦遇事以恕爲本故中人樂之而不肖者亦安焉或所爲有不善輒相戒曰毋使某知也文章法

歐蘇詩賦以溫李爲趨每一篇出時流珍如拱璧其爲世所推重如此

湯球字笏卿二都白千人少從汪浚學時藝文字嗣慕汪文臺淵雅盡棄舊業而請益焉因以得識俞正燮遂用漢學爲根柢父永懿見三志老病球孝養喪祭盡禮所居僻左教授村塾束脯入薄以儉約輔其介操信讖緯背誦津津乾嘉以來海內豐穰士夫多以補輯逸書爲務球據太平御覽等書凡補輯諸書見本志藝文其中以十六國春秋百卷爲鉅觀撰述勤且閔矣同治初元邑人舉球孝廉方正不赴賞六品頂戴宣統三年安徽撫臣咨部題請入

黟縣四志

卷六

人物 儒行

二十七

祀鄉賢王秉恩撰傳見雜誌文錄子作霖亦從汪浚游守家法訓徒侶時藝爲優歲貢終其身別有傳

程綬字芍庭規溪人父某某受祖穎川醫學善治風痺綬性肫篤通羣經長於講解躬行實踐不越禮法試輒冠曹與汪文臺交契俞正燮朱駿聲并賞識之門下多知名士以恩貢就教職官望江日檀球兄弟誘掖惟劬移宣城其時孫某某爲守風標峻潔重綬品誼詩牘酬和綦多所至不較量印費以是清苦士論歸之識程鴻詔於髫年謂當遠至旁及天文地輿三式緯讖子史精要滔滔如數家珍於洛學編經世文編尤能闡發其義避兵祁火雲山遷休

金滕縞紵其耆宿訓迪其英俊先時與程鴻詔治鄉團備
寇漳嶺方干天曹等處協克橫潭余溪以功晉五品解辭
柄歸田繼守者弛懈太平寇猝侵入綬獨身跳走深山其
日只啖覆盆子一株爲餐精力彌滿千言立就孫元漑少
悟僅一衿終

余文榜字聯揆城西隅人邑庠生性恬靜寡笑言人極和
平家事世事概不過問惟以讀書爲要務日究經史作文
極敏嘗謂文章以根柢爲先下筆自如泉湧凡課生徒亦
復如是當入學之年縣試取前列府試五場俱冠軍院試
泮捷亦列前茅平日閑坐時目似睡而密誦經史有與談

黔縣四志

卷六

人物 儒行

二十八

時事者輒置若罔聞儒行所謂粥粥無能者

戴承烈字伯揚際村人邑諸生實踐誠敬於學術窮竟天
文地理九流三式治經攷證諸家異同折衷一是咸豐中
寇犯黔途遇承烈彎弓連射皆不中異而執問之知緣母
老病留侍不去相與感歎令其還家母歿朝夕如事生禮
有孟懿子比御不入之風遇諱日悽惻如初喪久而不替
事庶母謹恩遇弟姪收卹諸孤贖族人典質公田以其貧
田仍盡畀之性和易求益者隨問指示客濡須最久倡建
江隄捍禦水患多次居人立石紀之年逾七十昕夕一編
不去手所著多佚僅存就正詩草二卷羅經簡易解一卷

湯作霖字南田一字蘭泉白干人少攻制舉業督學政孫侍郎毓汶按試徽郡奇其文命六邑士子傳觀以爲法式嗜學於書無所不窺而不屑箸述曰顧躬行何如耳授徒於邑之碧陽書院與程徵士朝儀抑齋論學甚契徵士著四書改錯改顏學辯多採其說教人先德行後文藝成就爲多性端嚴危坐一室終日欽欽不苟言笑酒酣掀髯論古今成敗忠孝大節娓娓不休聽者忘倦年五十九卒疾革遺命不作佛事沐浴更衣就寢齊手足誦曰吾得正而斃焉斯已矣息漸微視之逝矣

姚紳字茂之雙溪人縣學生父嘉見三志尙義悃樸篤誠

黟縣四志

卷六

人物 儒行

二十九

從汪浚學守朱子小學惟謹凡所訓蒙因以爲鵠葺宗祠修家譜撫弟成梁子女如己出旁及易卦醫術

程朝儀字仲威號抑齋郭隅桂林人由廩生於光緒二十六年河南巡撫于奏保人才奉 旨送部引見上書痛陳時事不報三十四年安徽巡撫馮舉耆儒碩彥朝儀幼敦孝友篤守遺經安貧樂道不求聞達生平留心著述兼通漢宋不標門戶惟見詆毀先賢於學術人心深切隱憂者則疾之若仇辯之甚力蕭山毛奇齡四書改錯一書恃其賅博專以推翻朱注爲事朝儀遍稽古訓貫穿羣經證毛說所由出發考亭之義蘊旁通曲暢自五十二歲屬稟閱

八載方告殺青刪繁改正十餘易成四書改錯改四十卷而顏元者著書創說標舉六藝激於世變往往歸獄考亭亦詞而闢之成顏學辯八卷著述祇重是非雅不尙咸同後調和漢宋之論生平精力萃此兩書其餘撰著尙數十種安徽布政使沈曾植刊顏學辯及其門人胡元吉所撰抑齋記聞行世主講六安州廣颺書院多所成就宣統元年安徽巡撫朱奏充存古學堂監督卒清史有傳黃敦禮字緯仁黃村人邑庠生程徵士朝儀倡程朱之學於里中敦禮篤信而從之游徵士之門多能文鴻傑之士每廣坐問辯敦禮端默無一言及退皆一一竊記之又能

黟縣四志

卷六

人物 儒行

三十

以己意發揮師說徵士雅重之主講廣颺書院詔敦禮攝其館事及歸學生束脩一無所受以歸徵士亦不受以修文廟兩廡其捐介多類是同學胡元吉箸抑齋記聞失其稟賴敦禮錄其副以存年四十餘死於水同門錄其稟成緯仁遺書三卷今存

胡兆聯字殿陞郭隅杏墩人生平厚重礪行以附生貢成均邑人推主桃源書院好讀易講學以考亭爲宗無子遺書散佚宅亦易主同治六年有修葺兆聯舊居者族人文郁於屋梁上得殘書一冊蠹食過半就其可讀者爲之抄綴則其遺詩也程徵士朝儀序而行之有不矜藻繪之工

獨抒性情之正從容溫雅如見其人之語爲名流所推重
如此前志及樵谷詩選所錄兆聯詩不過吉光片羽而已
舒學詩字興吾行一屏山人父惟見文苑幼受業於西遞
胡朝賀性情靜淡嚴正見族人趨慕勢利者掉頭去之不
與通一語喜讀書不屑功名精於攷据之學書經披覽必
加丹黃凡經史子集詩賦詞曲以及棋譜茶經遇有疑義
詳爲注解遇有訛舛細爲讐校徵引博洽疏證明確至一
字偏旁之誤一音輕重之分不稍假借蠅頭細字幾滿書
眉手抄之本甚多著有求放心齋經解十二卷藏於家書
學黃庭肖妙處直到古人善奕曾游江右未逢對手子斯

黔縣四志

卷六

人物 儒行

三十一

笏光緒甲辰進士陸軍部主事

胡文郁字篤修號約軒郭隅杏墩人附貢生志學篤行非
禮不動授徒自給生平愛讀小學暨五種遺規精醫術貧
者往往却其診資督學吳肅堂修撰以安貧守道旌其門
著有一笑草藏於家

余嘉辰字聲洪城西人邑庠生讀書窮理有疑義必參考
他書而部析之訓子弟以修身爲本學文爲末嘗謂論語
弟子章卽聖人教化子弟之要旨爲師表者宜身體而力
行之庶可挽末流徒襲文藝之失所著有四書解疑八卷
叢桂庭穀貽文集四卷

余嘉植字二亭城西人邑庠生嗜學礪行義利之辨最嚴聚徒講學說經詳晰聽者忘倦以故生徒獨盛又工米家書耄年猶竟日揮毫以應士大夫之求

范鴻漸字德平江柏山人邑庠生性孝友幼卽聰敏率諸弟讀書邑之高庵學宗濂溪考亭多所造就凡遇善舉量力爲之有童子失怙恃孤露無依攜家撫養及長遣習商並助貲爲授室焉後卒賴以成立自始至終無德色鄉里間至今傳爲美談著有性理集說吟香詩集藏於家

孝友

姚必源字養泉姚必清字在泉父森見三志源恩貢就教諭職清附貢生封中憲大夫均教授源及門余昌慶孫承泰清及門金慶慈金熙均能文章負盛名父森應選京師供職江甯源居鄉藉束脩獨支家計清隨侍父左右僕務幕職皆一身任之從不衣絲綢洗盡貴介習氣兵燹中治鄉團源以耆宿領袖其事清性高潔與官署素鮮交往然源或不豫不能治事清亦銳任之善易筋經以文事兼武備爲鄉人倡兄弟同之家傳方藥贈人同治癸亥邑有惡獸傷人勢雖垂危得源清家藥無不愈者全活數十人賑

黟縣四志

卷六

人物 孝友

三十三

飢廣安寺所拯尤衆周教諭一家七口歿於疫源清爲營墓地源與清自少壯至於耄耋曾無違言而清尤恭謹得時名源子國幹國翰國屏清子國儀國鈞皆能繼繩先志江勳字玉田五都石屏江村人附貢生先後從程際虞孫養恬項國綱學同祖兄弟八人勳爲家督循魯齋治生之旨藉裕任睦咸豐中寇亂流民入境勳與都人籌米給賑設立文孝分局乙卯都堂張文毅蒞徽檄行團練勳與創始聯絡隣封守望相助至建宗祠造支祠立家塾置祀產葬祖塋數大端皆勳與諸弟等共成其事一門之內男婦百餘人無不惟命是聽齊家有道堪稱一時之冠子朝宗

字毓山亦入邑庠詳前志孝友

論曰黟城孝友夙稱王程姚西鄉則黃本川南鄉則勲爲最著詩云豈無他人不如我同姓莊嚴沈默億中發著延師誨子姪彬彬玉立至今克繩其武公藝同居萬石垂誨詢無愧矣

汪國卿字非尹鐘樓厦人邑庠生光祖之子候選同知性孝友念父訓蒙勤苦力購田十餘畝以資養贍父得免舌耕之勞事母先意承志旅歸財貲悉以交母夜必至母所敘家庭事母命寢始敢寢其懇摯若此兄弟三人國卿居長同貿江西之玉山聚處數十年友愛一如少時尤爲人

黟縣四志

卷六

人物 孝友

三十四

所難能云光緒癸巳族祠門樓祀會店屋被焚國卿助鉅貲建造如舊子二長朝年附貢生中書科中書銜次朝望己酉恩貢生候選州判見科第

汪國杞字楚卿行八鐘樓厦人邑庠生汪國卿堂弟温和謙抑父早喪事母孝諸兄及同堂兄弟姪輩共四十餘人無不維持之承其教焉父棺厝小東門外遇洪水破浪抱棺大哭幾以身殉愛讀書交友以文嗣游江西卒於玉山姚聯達字在邦雙溪南人振鍾子捐職州同五品銜性純孝年十三隨父賈漢口先意承志奉養如成人父患瘡瘍侍疾事必躬親衣服溺器皆手自滌夜卧床側衣不解帶

者數月瘡愈又患咯血疾侍之愈加敬謹同治庚午母得風痺疾稟父命星夜馳歸遍延醫診罔效焚香禱神刲臂和藥以進疾始痊里人同聲稱孝欲爲請旌涕泣固辭父晚年就養家居得氣喘症冬夜嘗少寐愛聽琴則鼓琴以怡父心待安寢然後屏息退偶聞嗽聲或欠伸聲卽起數年如一日也父母先後十日以壽終喪葬如禮居外廬不茹葷者三年忌日薦新掃墓皆致祭盡禮終身孺慕生平見義必爲葺宗祠復祀會修譜牒置高牆菴義塚莫不慨然樂助他如重修漁亭石橋費繁工鉅籌辦闔邑積穀責重事艱聯達親往各埠勸捐咸重其人踴躍貲助至城外

黟縣四志

卷六

人物 孝友

三十五

積穀倉萃英文社亦聯達首倡之光緒己亥邑紳呈由大吏奏旌其門賜建坊銀兩安徽督學綿文獎以永錫爾類卒年六十有三崇祀忠義祠子爾昌高等師範畢業生賞給舉人以七品小京官分部學習

汪必封字樹勲歷下人英俊之子也年十歲喪父諸兄皆娶室自立封隨母蘇氏食貧力作見母年老耕樵衰態漸形深虞蹉失是以出必隨侍代勞母目眚足垢燂湯請洗剪爪惟謹有疾朝夕侍奉弗離母或不飲食封亦不飲食鬢齡舅子蘇某見其資佳挈之外出學賈朔望葷貲儲以奉母及冠尙不婚母卒服闋友勸娶妻封以祖父兩代皆

未葬豈敢先娶後稍蓄貲二百餘兩郵兄奉安二十七歲始娶妻儲氏亦儉勤業由是隆事兄嫂盡敬生養殯葬暨爲姪娶皆如禮一切公益無不襄之階州同加封見封典子四長升圭聘妻朱氏圭病亟迎娶後遂卒朱見節孝胡學濟字錦華郭隅杏墩人家素貧兄弟三人長學瀚次學潮學濟其季也事父母至孝身無長物父母甘旨及所需無不贍具與兄學潮經商於江西彭澤縣之馬當家漸裕兩兄相繼逝撫諸姪如子慈愛備至而教之綦嚴咸克成立母弟吳有東遭亂逃亡痛母黨無人尋覓數年乃得之牧豎中贖歸教之讀書習商且爲授室得秘方製藥油

黟縣四志

卷六

人物 孝友

三十六

濟人瘍疥諸疾塗之無不立效邑人稱之爲百益油治家嚴而有法至今孫曾繁衍居官居鄉咸以清謹見稱河南巡撫于蔭霖爲撰繼述堂記見藝文志朱中丞家寶沈方伯曾植孫徵君葆田陳學使榮昌並有題記其孝友篤行足以承先啟後爲名流所重如此

徐舜廷字靜波五都後溪人幼喪母稍長繼母又逝事父盡孝父歿時異母弟方八齡撫育成立友愛甚著

姚成基字整楠溪南人性純孝賈於杭聞寇擾徽念母年暮步艱星夜奔歸負母逃避免於難侍奉喪葬盡禮年至

孫景榮字阮林古築人附貢生生平寡言慎行矢志讀書五應鄉闈兩膺鶚薦不售事父母先意承志父病時侍湯藥終夜衣不解帶父歿哀毀逾常因以致疾旋以身殉以子幼雖未請旌而孝思純篤足矚末俗

孫天慶號小築古築人爽直有至性服賈養親母病垂危諸藥不治刲股糜羹以進母病獲痊後商於浙之湖州浙江江頭向有新安書院燬於兵天慶創議集貲重建數載工竣旅浙同鄉嘉其勞以天慶父燦文附祀焉

孫茂祥字禹門古築人幼孤貧事母至孝有二兄均不克樹立弟幼鬻爲人傭茂祥賈於祁門所得錙銖盡以奉母

黟縣四志

卷六

人物 孝友

三十七

請贖弟歸年逾三十始娶旋又爲弟授室後長兄有子復鬻之茂祥由祁聞知星夜回里稱貸贖歸泣謂兄曰弟恨力不逮致兄若是兄亦感泣今其兄後裔爲漢口巨商嗚呼如茂祥者可以風矣

葉懋蓀字友蘭號筱窗南屏人游擊銜父基見三志孝友七歲而孤事母孝長習儒業旋以兄老棄儒代其勞幼居母喪哀毀迫切兄逝益自勵性寬厚篤親誼好施與分產時讓千餘金以益寡嫂之養然後再析其餘兄子不善治生假居居之推食食之養寡嫂贍兄之子若孫輩十數口垂五十年事爲前邑令章壽椿所嘉歎支祖塋隘捐資購

地以拓之咸豐間歲饑籌平糶捐米百石粵寇犯境避祁門見飢者相望倡議捐米百餘石賑放全活甚多三續邑乘恢復碧陽及族中建祠堂造水口辦團練置大星山義塚修築高京橋維持族祀產莫不慷慨輸將怨勞交任生平尤多隱德中表不能娶者飲之族親不能葬者賻之處族事一秉公平數十年無少異族人迄今稱念不置晚得目疾猶默誦古文舉古文節義事訓子孫焉年八十四無疾而終子二紀鏞紀勳附貢生孫四學遜學富均邑庠生曾孫四人玄孫一人

葉效良字弼予南屏人父承宣見三志少耕且讀性至孝

黟縣四志

卷六

人物 孝友

三十八

粵寇亂黟隨父辦團斬賊出力保衛桑梓母患氣疾負母避難祁界山中積勞致疾逾冠而歿

孫元旦字履端古築人服膺宋儒性理之學居家常講解朱子小學事父母至孝父式鵬武庠生慷慨不事家人生產食指又繁家因中落元旦居長棄儒業賈於六安每年徒步一歸省及母疾劇星夜歸侍湯藥同妻萬氏衣不解帶者越月母歿哀毀逾節待諸弟以友愛稱常共眠宿生養死葬不以相累宿負數百金獨自歸償人咸義之

汪令鈺字徵三官路下人監生兄弟八人異母所出性孝友粵匪擾黟全家幾至離散子身冒險赴皖之石牌鎮創

商業挈全家往避難亂平家漸裕盡室偕歸後以手創財產八兄弟均分之無私蓄三兄乏嗣以長子承其桃其友愛如此族祠遭寇捐壞僱工修葺會內產業妥爲籌處橋梁道路樂助修理子五人年七十二無疾而終

查邦達字蘊華蜀川人孝義性成弱齡入塾念母年老多病昧旦而起薪水蔬菜備具然後就塾父病親奉湯藥衣不解帶者數月同治二年母歿難涕泣哀號廬於墓下年餘有弟被賊擄邦達尋訪六年始得於湖南長沙乃得贖歸爲之授室營生生平布衣蔬食每遇貧乏無不周濟在蕪湖與同鄉倡復徽州會館及徽州碼頭在家手鈔宗譜

黟縣四志

卷六

人物 孝友

三十九

修族祠立祀會造白沙嶺建高座亭其他善事不可悉數李汝汭字聲遠碧山人少喪母事繼母以孝聞親歿思慕甚至懸像堂中日夕供奉如生諸弟幼小慨以己穀分給撫養成立至如睦宗族和鄉里熱心公益諸端亦有足稱者並精醫術貧乏者不計貲焉子培芳世其業

查有忠字良臣沙園人八品職銜幼孤家貧母以針黹度日撫養成立年十三學賈於江西克勤厥業性至孝粵匪寇黟負母避難於浙之東浦嗣又改貿杭城聞母病星夜馳歸侍奉湯藥衣不解帶者數月鄉黨稱之卒年七十一余邦煌字錦山雙溪人監生性至孝兄邦煦亦極誠篤備

於鄉肆倖少仰事之資煌獨任焉兄以爲愧煌曰父母在子無私財兄毋以此介介也母病親侍湯藥朝夕不離左右及卒水漿不入口者旬餘哀毀骨立葬祭盡禮鄉里稱孝焉

余國炳字煥亭城西人事繼母孝撫諸弟成立生事葬祭諸事引爲己任分家析產餘物讓諸弟昆性慷慨能濟人之急臨歿悉焚其券

李光焮霞坦人光榮胞弟事兄極爲尊敬平居不登廳前首座曰此兄座也體素弱不耐寒然兄未衣裘不先衣裘榮知其敬兄也薄寒時因先衣裘住宅顏曰樹荆取田氏

黟縣四志

卷六

人物 孝友

四十

荆花之義其友愛如此至如捐輸文廟西偏基地及重擴宗祠諸善舉杰皆與有力焉光榮見人瑞

李元羆字勝清案台山人少孤貧長能自立事母盡孝母病革親侍湯藥不解衣帶者旬餘胞兄早逝無嗣嫂王氏青年守節元羆敬禮之生養死殮靡不力焉爲人輕財重義與人合賈分利甚公無一臺之私意嘗在江西景德鎮倡立本姓孤魂祀會并捐資購地以爲義塚人皆稱之邑人程宗顥爲作傳載藝文

黃美塗字懷奇黃村人登仕郎袁州府經歷存厚弟天性純篤養親盡孝少孤事諸兄恭謹終身友愛家政倚其料

簡處事精當兼精音律能自製新聲花晨月夕調笙簧以娛親家庭之間翕如也年三十九卒乏嗣存厚以子澤承其祧孫曾林立一門鼎盛人以爲孝友之報云

余成堃字時俊城西人幼孤家貧兄遠貿事母盡孝咸豐乙卯負母避亂山中晨昏定省如平時明年母歿未及殮而匪又至鄰里咸避堃與妻汪氏自殮守喪兄歿有遺孤堃視之如子愛養備至

舒興發字仰賢屏山人五品封職幼商於休甯縣屯溪鎮營南貨業性誠樸事母孝同治二年母歿維時粵匪擾黔本處無從購殮具徒步至休甯上溪口備辦始得殮一日

黔縣四志

卷六

人物 孝友

四十一

之間匍匐百餘里人稱其孝

余國英城西人性和易事父母務適其意粵匪擾黔父病莫能興英負以走歷三寒暑之久平日愛讀四子書晨興必盥誦一過至老無閒常謂治己治人之道備載四子書中行路見有遺棄字紙必拾而置麓垢穢不避急難求助者量力以濟大總統獎以任卹可風額

余朝洪字博思城西人父早喪母患風疾醫藥扶持事必躬親母歿哀毀骨立事兄能敬讓先是洪娶妻貧未置糗奩洪父乃批給田園兩處以爲服飾之需父歿析產洪以所受田園與兄均分其友愛類如此

余士恩字永澤城西人未冠學商於漁亭聞粵賊犯境遄歸奉親逃山中日負販以爲養未幾父死治喪盡禮事繼母如生母繼母有弟士華年幼力任撫養以紓繼母憂
余守鑫字聚文城西人世亂家貧力作事親洪楊之亂全家離散負母走避得食先以飽母兄弟六鑫行三至老式好無尤
余士鏊字溼川城西人性淳謹事母不違其意洪楊之亂奉母遷避戚家母命歸里偵賊踪返則母已失所在匍匐訪問歷七晝夜卒得母尸痛母慘罹兵劫哀毀骨立終身引爲大恨季弟士鏞亦因母喪積毀致疾而逝

黟縣四志

卷六

人物 孝友

四十二

余聯科字汲三城西人家貧事親盡禮與弟和洽怡怡鄉里爭議直言以判是非弟聯桂治事有條理母老不遠遊温清定省無間朝夕

歐陽蕃字秀瀛一字侶仙歐村人國學生聰敏性成讀詩經三日畢一册年十四喪父十六喪母家故貧蕃撫諸弟妹矢志自治家謹嚴擗節有制至諸弟妹婚嫁畢分炊共處終其身內無詬誶外無間言家風孝友稱難能焉蕃有膽識洪楊之亂霆軍駐漁亭兵卒滋擾力請下令撤圍民得安堵漁有余意壽偕二少年歿傷祁門人蕃憫其無知出爲調解並爲醫痊傷者以寢余後効力軍營迭任武

職歸省詣謝稱以二天至於禁賭博懲逆僕修宗祠理祀會興學塾實事求是見義勇爲兼精醫學地理施藥濟人刊真修寶卷不可錄諸善書以勸世子國治國光均附貢生國光藍翎候選州同孫道達北京國立大學畢業生舒遵純字樸之行七屏山人朝昌之遺腹子也朝昌見前志事母至孝年十三隨兄賈於江西饒州事之如父奮圖自立積貲置產後始改賈祁閭每歸里必先謁母命之退然後敢入私室人以爲難子三長子堯平字爲福年十四亦買於饒兄弟親愛弟歿撫姪如己子以第三子邑廩生廷選承其三弟之祧家事悉身任之析產平均人言無間

黟縣四志

卷六

人物 孝友

四十三

子孫繁盛鄉里以爲人瑞云

汪宗鏞字友笙號振聲城北箭亭里人寄居漁亭之復山父錫祥早逝母李氏守節撫養得旌於朝學使祁公雋藻以貞松慈竹額其坊詳見節孝宗鏞奉母孝事叔父如父暑月施茶以濟行旅賈於江西之玉山地當江浙之衝徽州人貿易其間者甚衆向無義堂以厝旅櫬死者往往寄柩郊野暴露堪傷首先捐資提倡玉山之有新安旅櫬厝所宗鏞之力也同時並購山地以備阡葬其章程皆所手定云又建婺源大鏞嶺頭之樂善亭漁亭惜字爐凡諸義舉無不以身先之

王康吉字履安城南人幼隨父習商樂平父遺產嗇薄劬勤養母撫諸弟妹以次成立家亦漸裕嘗獨購地樂平縣北門外山麓施爲義塚凡遇善舉雖困瘁不怠使季弟從名師游并爲購書至十二萬餘卷

汪學禮字淦庭瑪坑人國學生家故貧商於浙之泗安重厚樸誠士商推重父病歸里侍奉盡孝盡禮有遺逋獨任之不以累弟治家能於大體中細密周至爲人難能慈以蒞下惠以及人捐資祀會扶助親族里人賢之歿之日泗安同鄉公議立主位於會館以相尸祝池陽舉人直隸安肅縣知縣甯濟爲之立傳見文錄

黔縣四志

卷六

人物 孝友

四十四

黃永壽際村人少孤家貧母瞽永壽朝夕負之出入飲食衣服調護備至厠牖之役亦均躬親歷二十餘年無幾微懈怠母歿殮葬如禮以哀毀致疾未及一月而卒

江元拔字步雲石屏江村人少孤事母至孝幼皆儒業年十九患咯血症體弱罷試入貲得監性友愛與諸昆弟推多讓寡在家塾課徒淡泊自安鄉人景仰

余有鏞余有銘城西人兄弟也年皆八十餘友愛至老彌篤族人稱之曰難兄難弟

林萬美字秉章漳溪人立身端謹族中修祠宇座粟主各善舉無不熱誠贊助獨力葬父母柩孀母孤寡無嗣歿日

殯費皆賴之且施藥濟貧周里黨之急

舒良玉字獻之屏山人沈默寡言增貢生兄弟三人玉居次性極孝友事父先意承志兄授室未匝月而逝以長子繼之待寡嫂有加禮弟良璧附生膂力極大有任俠風然亦因此滋事玉周旋督勸消患無形鄉鄰翕然以弟稱之卒年六十餘子鴻騫廩膳生前充屏山初等小學堂堂長舒殿傳字心印屏山人幼習紙業於江西之吳城商界負盛名獲利亦厚父春秋高雙目俱瞽傳奉養周至視於無形聽於無聲宗族稱孝父八旬壽誕獨出重資並不與諸兄弟計較父歿後祭葬費亦然兄弟六人殿傳行五一室

黔縣四志

卷六

人物 孝友

四十五

室之中怡怡如也至今屏山人談孝友者猶嘖嘖稱道之不置云

質行

俞懋麟字伯申城北人諸父正燮正禧品學爲世推重懋麟受業汪文臺及項國綱劬學熟羣經至老不忘試曾冠曹以從弟名次相比難於兩雋遂罷考用監生就鄉試俛得之善書初効顏歐而能變通其體晚年行草取法元宰教人踐履馴飭師嚴道尊性剛潔濟以和易節嗇自處而宗祠祖墓女弟兄暨期功親力能助成無不殫焉屈承福令黟繪竹石圖以贈其節概可想矣

舒友蘭字松甫屏山人寄居城南與同宗舒鳳羽歲貢爲隣朝夕以作文之法相切磋雖屢困童試而嗜學不倦逮

黟縣四志

卷六

人物 質行

四十六

事母克全孝道性醇謹讀書訓蒙而外絕不干預他事又與城西余洪太爲道義交太以子攀榮從之學攀榮後爲貴池縣訓導見仕宦粵寇平後往休甯縣教讀遂遷居焉程尙适字步南桂林人父雲翼見三志尙義值世亂未竟畢讀助饟敘翰林院孔目篤行孝親敬長敦睦仗義解紛奉母暨寡嫂孤姪避地樂平險阻備嘗調護曲摯未幾母終兵燹中扶櫬歸葬產蕩於賊調停骨肉爲衆所稱子錫昌另有傳

余壽朋字作人城西人邑諸生剛勁任氣當咸同間襄事練務保授府經歷向鹽商索回鹺逋以爲士人賔興之費

又經理漁亭船釐無絲毫弊船釐者向係稟奉劄飭設收以濟黔城總局各用江南局撤以其歛爲課士資嗣因官斯土者徇情截止壽朋遂里居不問外事詩酒自怡與許懋和契分甚深

孫雨亭古築人咸同時各國初通商能英語者少雨亭就外人禮延爲之經理房產知足遽謝事還里親賢爲子擇師取友子康蔭諸生有文名能刻苦逾於寒素屢試膺薦不售隨卒

吳序鏞字在東橫岡人郡庠生謙謹耐勞辱經理碧陽書院無纖芥弊爲士論所稱

黔縣四志

卷六

人物 質行

四十七

胡蕃字實卿潭口人未入學前與楊烈同辦團務極爲鄉人推重所言必行亂定後乃游庠慎默不妄取蒙以養正多所成就

黃慶鴻字契懷黃鏡青字贊鴻際村人父殿拔見前志慶鴻鏡青服賈皆有信義皆有賙濟貧乏之事不欲人知當兵燹時支持危局協守邊防慶鴻得敘官主簿鏡青捐職同知封贈祖父

余國謹字鏡湖七都人家素貧母爲養女國謹能樹立奇羸居積言行爲鄉里所信服徽屬他邑戶籍隨生齒增設惟黔吏胥把持狃於舊牒不令漆立戶名凡年例雖合業

產雖多悉入靈虛觀下完糧多遭剝削民甚苦之國謹因同都閔姓居黟年例業產既合且饒商之謝前令永泰爲附他姓舊戶較二都六圖立戶之難蓋迥異矣子之萊見藝術

李永杰字俊之城東人儉嗇以冶鑄起家勤苦仍如昔時昔任公非田畜所生不衣食公事不畢則不得飲洒食肉家人類能遵其約襄修考棚自登架木眩墜遂染風疾程士爽字暉堂號清泉桂林人父洪業見三志忠義士爽少從孫某某學因亂罷讀爲商信義昭著性好善且以勸人刊有慾海慈航性天真境請工書者繕之使童蒙使於

黟縣四志

卷六

人物 質行

四十八

臨摹又自習八分甚著名子守蘇諸生有子騫蘆衣之感流離旅歿

江禮門以字行麻田人當咸豐中邑被兵施粥造橋設分局偵探賊情撰俚詞勸人爲善心至肫懇篤實皖省城中修復會館及一切義舉偕弟某力任創置勞瘁不辭

舒君賜字篤其屏山人少貧隨父操作不辭勞瘁厥後服賈望江父以兒女累積逋數百金獨力還之咸豐末粵寇竄皖大江南北無一片乾淨土賊氛擾攘中經理宏大店事苦心謀畫店賴以安不數年積貲盈萬時股東湖州褚姓歸家後久無音問己視店爲烏有地方人士咸勸君賜

將褚股入己毅然拒之曰此他人財予何有焉跋涉千餘里親至湖州覓褚裔將贏金悉授之無毫髮私人以是多其高義子文貴庚子恩貢生候選訓導

孫美時字興周古築人有本之長子幼家貧無資讀書輒自勤學性孝友稍長習商業質樸忠勤肆主甚任之善調人之急排難解紛傾囊不恤少積蓄輒耗去賈於祁邑柏溪鎮鄰之窮阨者時受其惠次子志堂湖北紗廠經理商界推巨擘焉

舒慶超字義賓屏山人武庠生幼穎異膂力過人入學時纔十四歲學政羅惇衍激賞之事親盡孝道性情純樸訥

黟縣四志

卷六

人物 質行

四十九

於言語謙和雅潔有儒者風家貧十六歲卽授徒自給歷數十年先後從學者以百計咸豐間粵匪寇黟知縣召帶鄉勇禦賊有功保獎六品頂戴光緒丁未重游泮水年登耄耋而精力強健仍未少衰卒年八十有二

余益富字衢之城西人性醇謹不苟取經商屯溪鎮自學徒以陟執事數十年如一日年老謝職歸居停酬以五百金弗受咸同兵亂十室九空以所餘俸金資助諸姊妹人多稱之

胡樾字蔭吾城北人父某某精熟樞素難經嚴以課子同治初樾暨弟爲寇擄逃歸因更字曰再生補縣學生束躬

謹飭訓蒙稍有餘卽以償還父債其不取子金者必衣冠
詣謝凜受父教以醫濟人兼亦授徒雖涉迂拘足令踰閑
之輩望而生畏與余攀榮等相契晚年爲碧陽校長旋卒
盧鯤字爲鵬號翼如盧村人附貢生入商籍肄業武林與
王硯雲諸名士遊淞中諸勝多所題咏性嗜酒通音律精
壬式奇遁兼善地理兵燹後暴棺纍纍勸人埋葬爲擇地
不受酬謝掩埋者不下數百餘棺人皆德之爲人公正前
令屈每月臨鄉講鄉約舉爲約正族人亦莫不加敬著有
芝玉山房詩草藏於家

戴祺字銘旂際村人邑庠生事親先意承志奉養敬謹弟

黟縣四志

卷六

人物 質行

五十

世奎有痼疾調護備至及卒卽以中子之傑爲之後從弟
世科卒亦無後復以季子高驥嗣之經理其遺產俾科妻
汪養節有資且延汪之胞叔主持一切示無私弊教子嚴
整言必起立雖盛夏必衣相見嘗言持躬須如圭璧一有
瑕疵便爲終身之累座書比德於玉以示訓喜讀史於有
明一代掌故尤熟母喪哀毀月餘卒長子之俊字序英諸
生能詩兼通醫學地學性惡柔媚遇貧賤或困難傾誠相
接遇有勢力人則反是有士人犯罪逃匿妻死子四齡流
離靡依之俊收養經年士人事解來謝逕令攜其子去同
村黃永壽有孝行人莫之識之俊獨禮敬之

余之葉字輔宜艾坑人少業儒早失怙恃輟業就賈於蘇之常熟與叔國勇於任事遇義舉尤不辭勞瘁爲人通達大體和藹可風屈承福籍常熟友好最篤令黟時恒稱道其叔姪之賢子湘邑庠生

李春華字孔卿李村人邑庠生性剛峻讀書手不停披嚴正自持遇奸人污吏必規飭之不使貽害爲邑紳非公不至縣署識者韙之

李守恭字潤之霞坦人其先世經商湖北岳家口弱冠喪父祖年邁諸弟幼稚力承先業髮捻之亂停業遠避店夥數十人皆同鄉道梗不得歸不忍患難相棄率之上避於

黟縣四志

卷六

人物 質行

五十一

川陝亂平重理舊業紕於資本人以其信義素著皆樂與之往來岳口徽州會館被賊毀集貲建之修圩隄施義賑設善堂竭力襄辦官紳賴之有遠省友寄存鉅貲歸歿券失後嗣無索償意恭清算本息寄還其質直如此

李肇柏字春圃案台山人州同加二級父嵩肇柏能成父志少時貧弱不勝衣咸同兵亂父外貿音問不通隨母程氏樵牧負販習手藝里黨鮮有助者後創業蕪湖漸裕不念舊隙賙恤族貧旅和悅洲樂輸同仁局倡設公德躉船又助建石埭老鴉灘石橋捐本縣積穀至邑人應試或捐職缺資斧每貸助之秉性精明渾厚宗人李宗煇延襄肆

事婉辭之卒年六十有五子長庚邑庠生

汪心存字竹茹黃陂人邑庠生性淡而樸初貿江西年二十五返里畫粥讀書未幾粵匪擾南土子虜女殉田廬荒廢居陋巷雖困不乞人憐同族汪信山其叔祖也見其勤學授以測土正景之術由是日事陟降之勞而讀仍不輟訓蒙有心法居常危坐終日以躬行實踐爲弟子率年逾八十講授猶勤歿後學者多稱崇焉

葉賢字德輝南屏人從九銜性鯁直家貧不苟取爲人排難解紛持公道賈江西市有爭議不能決得其一言立判居鄉不妄言律已端嚴族中義舉多襄成之年八十一卒

黟縣四志

卷六

人物 質行

五十二

江煦字贊卿石屏江村人廩貢生少失怙恃勲季弟受業程珍俞正禧之門居鄉排解紛難遇公益力爲之咸豐間軍興募捐辦團數隨勲後同任勞勩防守西武羊棧方干等嶺積功保舉六品具載前志亂平改就訓導加國子監典籍銜歷署太平東流潛山太和舒城等縣學子汝恭汝昌孫肇達皆補縣學生

丁士賢字夢松際村人邑附生生平篤實言行不苟母患目眚士賢醫藥祈禱靡計不施每對人言輟涕泣自責母失明後士賢調護備至每餐手餵之歷十餘年如一日見者稱爲反哺云與村耆同辦水龍會祀會及溝渠道路諸

義務口不言勞值人紛爭必力解之

汪文雅字以南十一都嶺下人附貢生家貧性質樸言行不苟入邑庠後赴蕪湖爲商號司筆札謹慎自飭善居積以此致小康後營商業獲利益多遇善舉必力成之村中水口亭係其獨建歿後民國某年演劇亭旁草棚內賭博縣知事某禁之燬其棚火延及亭遂致焚如迄未修復汪振基字理邠十一都嶺下人幼業儒言行質樸壯年棄儒習商善計然之術獲利豐厚自奉淡泊然好善施人無德色淳淳悶悶有足多者

盧作霖字卓林盧聯取字文遴皆盧村人皆附貢生作霖

黟縣四志

卷六

人物 質行

五十三

剛方排解紛難聯取則和平謹飭同不阿私不避怨咸豐間寇駐太平郭村距盧村僅羊棧一嶺之隔作霖聯取倡率族人設偵探村中得以晝不輟業夜能安枕作霖年九十有二始卒孫曾林立

葉燾 容遠南屏人父瑞訓見三志燾天性過人於孝友任卹睦嫻切實講求力行不怠黟似秦俗子授室後父母多令分爨俾知稼穡艱難而鋤耰德色溫清無問比比然也燾失父早獨能於母盡禮母亦非其穀食不甘味其弟文藻勤讀有文名屢薦弗售雖異宅而日就燾食飲怡怡無間族鄰六嫻遇貧難無不殫誠捍衛調濟之湯鼎煊宰

縣到任未久丁內艱公私羈累燾厚飲得行少畢諸經以兵亂罷讀嚮明起卽督子弟燭誦然後入學教者逸焉次子新滋光緒己酉選拔朝考一等知縣用籤分湖北燾以其五弟某某貶封四品卒之日小斂感其誼而湧泣者綦多

余兆驥字德良城西人性剛直賈於江西饒州府時當軍興百稅並征驥條舉煩苛者聞於當道商困因以漸紓見有奸商壟斷亦絕對排斥經理饒地徽州會館垂二十百年百廢具舉與諸弟友愛甚篤弟歿撫孤姪如己子

余毓彪字心田城西人年十六居父喪哀毀如禮事母先意承志以解其憂在漁訓蒙研習藥書製贈藥品拯人疾苦遇有爭議不決常舉陰隲果報以感化之

余榮麟字玉文城西人質直敢言人有過必盡力規勸爲人解紛力任勞怨族鄰寒素子弟輒爲之代謀生計

汪紹燿字明叔黃陂人鹽運司銜江蘇候補同知性好潔崇古樸嗜吟咏善八分及行書漕督楊聞其廉介羅致幕府司法審小大之獄必以情清積案多件以能稱督辦牙釐澄清積弊并革陋規

汪福南字式邦黃陂人封承德郎值兵亂隨父貴溪輟學習賈不廢執經問難孝親敦品下筆千言敘事舉要體擬

唐宋工書常經商壠坪力除船戶積弊行旅賴焉同鄉請
司會館事移皖及蕪湖遇同里失業者每贍之默察行止
位置之其浮薄者量遠近給資遣之子澤霖府諸生

江慶模字範伯慶楷字仲書沙谿人允康子事親孝友於
兄弟調恤鄰里楷篤學寡言文筆刻深沈摯中式後游潯
經理徽館輿論能叶

查永安蜀里人早歲服賈善行甚多年六十猶無子息念
村後茶村嶺爲往未要道慨然獨任修之路成產一子時
年七十有二矣

黃美澐字江雲增貢生宋黃侍御葆光二十五世孫性情

黟縣四志

卷六

人物 質行

五十五

肫厚光緒末署廬江教諭維時科舉將停諄諄以保存國
粹勗告士林又慨苦節貞孝之行寢以不彰於是諏諮博
訪極力闡揚後調桐城縣教諭未就卒年六十有九
王福啟字德宣西山人少席祖父業作賈蓼州性伉直有
隱德曾於歲暮索負鄉間見赤貧者每焚券不索償生平
以忠恕待人信因果服膺太上感應篇寶筏圖說諸書其
敦行不妄爲可以想見

汪國璽字成玉號琢齋歷川人好善嗜書於靈樞素問殫
精研究筆瓢屢空晏如也中年休邑陳姓聘往巢縣主持
典事克稱厥職薪貲除支家計悉以施濟年逾六旬連舉

四子年八十五并見多孫人謂爲善獲報云

胡之蘭字洪聲西川人少從王璋學遭世亂輟讀在休藍田服賈數十年爲人排難解紛集資修路見重於地方至今父老思之不置本鄉爭端亦復極力調解正直爲人所稱

余俊懋字敦敏雙溪人縣學生安貧好學性耿介不苟取無疾言遽色妻早逝義不復娶訓蒙黃村十餘年循循善誘及門之士亦皆恂恂然能守師範子宇寬邑庠生

余順字履和雙溪人從九少讀書爲文清真後因體弱不耐應試愼默寡言其容温温動循禮法釐訂祀會有條不

黟縣四志

卷六

人物 質行

五十六

素後人率由岡越訓徒三十餘年以孝弟廉恥爲徒侶誥誠故門多循謹之士

余肇名字題卿雙溪人縣學生質魯力學不倦雖家無隔宿糧猶手不釋卷言行必循禮法嘗以司馬温公無事不可對人言爲法訓蒙貧者不計脩脯人尤德之

李長庚字西躔考溪人捐職未入流事親孝兄歿視姪猶子弟中年喪偶助貲爲續娶尋舉二子咸同間寇犯黟叔舉家遇害長庚於亂離中備棺殮葬且爲立後避寇赴杭被寇所擄迫司會計寇拘良家婦女數十人幽於密室哭之哀長庚憫而陰釋之盡脫其厄遂乘間潛逃由是經商

順利家漸裕樂善好施子榮梅廩貢生諸孫林立人以爲
陰德云

李嘉銘字志功十二都梧村人建本都溪埕碣木橋修方
干嶺石路六百餘丈行人便之子四世玫世連世琅世瑄
嘉銘與世瑄見前志封蔭世琅嘗施棺木世瑄造所居村
前石路克紹先志

李應庚字幹臣梧村人附生世琅子也力學積善村居授
徒族中子弟貧者皆不受束脩捐資修祠立祀會開水道
以灌田畝村農賴之子棻邑庠生能繼父志修宗譜遇地
方公益無不力爲維持云

黟縣四志

卷六

人物 質行

五十七

吳學烜字文軒十二都洪徑墩人少孤事母孝貿遷江西
紫陽鎮以母老丁單歸侍課讀垂三十年循循善誘勉以
孝弟忠信故及門者多醇謹之士祖會遭亂耗盡祭祀幾
廢乃竭力籌費獨捐厚資規復舊觀名曰追遠鄉隣小忿
勸釋冰渙所全尤多歿多聞而隕涕者晚年手撰處世格
言八則垂訓後昆

吳國珍字子誠十二都淇徑墩人少孤賈於桐城樅陽鎮
爲人慤直經商垂五十載一介不苟取事人及自營業皆
能以義爲利有從姊幼字同里汪氏未婚而夫故茹荼守
貞六十年以家貧未能請旌國珍爲請旌表事成而姊卒

足慰乃心家廟失修漏圯獨倡捐重貲未蕝事而卒子聚慶踵成厥志焉

金起國字弼良五都鍾山人性質直少孤事母孝鄉里無間言經商錢業於休之屯溪豪爽邁衆處事不苟數十年如一日凡遇公益善舉無不慷慨輸將踴躍勸助皆出自至誠焉

江元善字谷人石屏江村人穎悟誠實少經商精勤善算而以義爲利尤人所難能云

江元鳳字玉輝石屏江村人形貌修偉胸懷磊落經商數十年見利思義常以尙儉爲厚福之基好奢爲致貧之漸

黟縣四志

卷六

人物 質行

五十八

自勉兼勉後人其行誼有足尙者

王鑑字錫麟小塢人國學生質直篤行有陰德嘗於路間拾得皮囊頗沈重揭帖通衢招領遇原主還之酬不受兼好施與貲建鳳隣埠頭購助噴水鐵機防災憐窮恤困雪送炭災贈米自雖不給猶勉爲之卒年七十七

葉效英字克明南屏人祖山東通判有芳見三志效英性質直喜酒歷司贛省樞務晚年居里熱心公益耿直之聲著於鄉鄰程壽保曾贈以聯目爲一鄉善士

孫樹昌字良生古築人附貢生四品封職性靜貌癯好學能文書法端潤鄉試屢薦不售居家孝友待人無疾言遽

色足不履公庭都人士來質成必公必允人皆感服讀書之暇兼究醫學親友就診應手而瘥有勸以行道者笑謝之修理祖祠創設小學竭力贊助晚年鄉衆推爲各會會長頗持正論卒年七十有七

王國椿字松亭十都上雙干人從九銜賈於太湖徐家橋垂五十年信義素著性好善遇公益事竭力襄成且精岐黃之術醫藥拯人疾苦人尤德之

人瑞

孫肇齊字克莊號給菴古築人登仕郎爲人多隱德持已端方好排難解紛里黨翕服稱之曰善菩薩平日訓誡子孫務以孝友傳家忠厚應世親見元孫五世同堂享壽九十六歲無疾而終人以爲積善之報云

歐陽烈字廷美楠嶺人尙大義重然諾排忿難修族譜族里義舉維持必力謝永泰舉行鄉約烈年老與其事精神不衰贈以熙朝人瑞匾額

舒堯義字桂圃屏山人二品封職子四長之翰西甯兵備道曾攝藩篆次之翔候選同知三之翹雲南普洱知府曾

黔縣四志

卷六

人物 人瑞

六十

署迤南兵備道四之翼直隸候補道贈光祿寺卿銜親見孫曾林立享壽九十有五歲福壽全歸

余士錡字斐然城西人性仁厚兄三人皆前母所出均敬謹事之析產克推讓夫婦壽登九旬一鄉稱耆德焉

李光榮字惟仁霞坦人候選布政司理問宅心仁厚樂善好施道光時邑文廟西偏廬舍充斥與弟光杰以千餘金購其屋平之將地基捐入學宮勒石以紀其事郡城建河西橋邑建節孝總坊漁修石橋祁修大路皆捐巨貲宗祠狹隘偕弟集族衆擴而大之費至萬金獨任其難與弟造住宅取田氏荆樹之義顏曰樹荆壽至八十餘親見七代

五世同堂福建汀漳龍道徐榮手書七葉衍祥額題跋以贈之

王以誠字信衷城東人光緒丁酉科江南鄉試以年高人瑞欽賜舉人享壽九十二歲餘見文苑

汪選楠石門下人享壽九十有四歲

許廷佐字良輔南屏人享壽九十有六興國州王太史鳳池題贈美意延年額